

## MUNOSABAT

4

Mamlakatimizda xotin-qizlarni har tomonlama qo'llab-quvvatlash, ularni jamiyatda munosib o'rnni egallashi uchun juda ko'p chora-tadbirlar ko'rilmogda.

Respublikamiz aholisining qariyb yarmini xotin-qizlar tashkil etishini hisobga olgan xolda xotin-qizlar masalalari nafaqat Qo'mitaning balki jamiyatimizning barcha a'zolariga, sohalariga va mutasaddilariga taalluqli ekanligini ta'kidlash joizdir.

Joriy yilning 21-dekabr kuni O'zbekiston Respublikasi Prezidenti tomonidan imzolangan ikkita muhim xujjat bunga yaqqol misol bo'la oladi.

"Oila va xotin-qizlar qo'mitasining faoliyatini takomillashtirishga oid qo'shimcha chora-tadbirlar to'g'risida" gi №PF-208 sonli Farmon va "Oilalarni mustahkamlash va xotin-qizlarning faolligini oshirish bo'yicha qo'shimcha chora tadbirlar to'g'risida" gi № PQ-401 sonli Qaror xotin-qizlarni qo'llab-quvvatlash sohasidagi vazirlik va idoralar hamda nodavlat tashkilotlari o'zaro hamkorlikda faoliyat yuritishlariga ko'maklashishga asos bo'ldi.

Bugungi kunda xotin-qizlarni kasbiy ko'nikmalarni olishlariga, munosib ish topishlariga ko'maklashishga, tadbirkorligini rivojlantirishga alohida e'tibor qaratildi. Ayniqsa kasanachilik va hunarmandchilik yo'nalishlarini rivojlantirish uchun shart-sharoit yaratildi.

Xotin-qizlarning bandligini ta'minlash orqali jinoyatchilik, boqimandalik va oilaviy ajrim kabi salbiy oqibatlarni olishga erishamiz.

Ayollar e'zozlangan yurtning kelajagi buyuk bo'ladi. Mustaqil Vatanimizning ravnaqi uchun sidqidildan xizmat qilish biz kabi xotin-qizlarning muqaddas burchimizdir va soha vakillari sifatida yurtboshimiz tomonidan bizga ko'rsatilgan e'tibor, bildirilgan ishonch va shu bilan birga yuklatilgan mas'uliyatni albatta oqlaymiz!

**Maryamxon Yuldasheva,**

**Qo'shtepa tumani hokimi o'rinnbosari – oila va xotin-qizlar bo'limi boshlig'i.**

[\*\*Bizni ijtimoiy tarmoqlarda kuzating\*\*](#)

[Facebook](#),

2023-12-27 08:53:49